



*Après la mort de Josué, les Israélites surmontent le Roy Adonibezech, auquel on coupa les bouts des pieds & des mains.*

**L**OSEPH ayant rangé les nations qui occupoient la terre promise, & fait le partage d'icelle à chacune des lignées d'Israël par sort ; aussi ayant exhorté tout le peuple à suivre le pur service de Dieu, il deceda âgé de cent dix ans, & fut ensevely en Thamnath-Saré, en la montagne d'Ephraïm ; comme aussi furent ensevelis les os de Ioseph, qui avoient esté apportez d'Egypte en Sichem. Or les Israélites consulterent avec le Seigneur, disans : Qui montera deuant nous contre les Chananéens, & fera conducteur de la bataille ? Et le Seigneur dit, Iudas y montera, car j'ay baillé la terre en ses mains ; & Iudas prit Simeon pour adjoinct avec luy, & le Seigneur bailla le Chananéen, & le Pherezéen en leurs mains, & frapperent avec telle esperance, que dix mille hommes furent occis, & Adonibezech leur Roy fut prins en fuyant, auquel furent coupez les bouts des mains & des pieds ; lequel en cette misere reconnut que le Seigneur permettoit cette chose, pour avoir eu septante Rois sous sa table mangeans les reliefs, ayans les bouts des mains & des pieds coupez. Il fut donc en cét estat mené avec honte en Ierusalem, où il mourut. Lors les enfans de Iuda assaillirent & prindrent Ierusalem, & la mirent au feu, & au tranchant de l'espée, & furent victorieux de toutes les villes de la Palestine ; toutesfois ils prindrent alliance avec les Gentils, dont ils furent repris, & leur fut baillé des Iuges, pour les contenir en leur deuoir.

*Josué Chap. 24. & des Iuges Chap. 1. & 2.*